

Script of Morning Gojri News Bulletin 12 December 2024 at 1015Hrs

مارننگ گو جری نیوز بلیٹن مورخہ 12 دسمبر 2024

یوہ آکا شوانی جموں بے عبدالرحمان تیں خبر سُنو۔

CM Interaction

وزیر اعلیٰ عمر عبداللہ نے کل اعلان کیوہے جے حکومت دربار بدل نانہہ بحال کرے گی۔ تانجے جموں کشمیر غی انفرادیت کھٹ نہ وے۔ وزیر اعلیٰ نے یاه گل جموں سول سو سائٹی گا ممبراں سنگ اک بات غے دوران کہی۔ وزیر اعلیٰ غی حثیت سنگ عہدو سنہالان تیں بعد اُن غی رہائش گاہ وزارت روڈ ور جموں غی سول سو سائٹی سنگ اُن غی یاه پہلی ملاقات تھی۔ اس بات چیت مانہہ وزیر اعلیٰ غی کا بینہ غا وزراء نے وی شرکت کی۔ دربار بدل غا حوالہ سنگ خدشات نانہہ حل کرتاں واں وزیر اعلیٰ نے اس بہراں انتظامیہ روائیت نانہہ بحال کرن غا عزم غو اداو کیو۔ وزیر اعلیٰ نے جموں گا محدود سیا حتی حصہ ور تشویش غو اظہا ر کیو تے خطہ غی معیشت نانہہ متنوع بنان با رے منصوبہ پیش کیا، اُنہاں نے سورج کُند میلہ غی طرز ور اک دستکاری و ثقافتی میلو قائم کرن غا منصوبہ غو اعلان کیو، تانجے خطہ غا بھر پور ورثہ نانہہ اُجاگر کیو جا سکے تے سیاحت نانہہ فروغ دتو جا سکے۔

Khelo India

کھیلو انڈیا سردیاں آلی کھیڈ 2025 لداخ تے جموں کشمیر مانہہ 2 بکھ بکھ مرحلاں مانہہ منعقد وین گی۔ لداخ آئیس باکی تے آئیس سکا ٹینگ سکینگ سمیت برفیلی کھیڈاں غی میزبانی کرے گو، جہیڑی 23 جنوری تیں 27 جنوری تک منعقد وین گی۔ جد کہ جموں کشمیر 22 فروری تیں 25 فروری تک الیائین اسکیٹینگ، سکائی مو نٹینگ تے سنو بو رٹینگ جیسی برفانی کھیڈاں غی میزبانی کرے گی۔ کھیڈاں غا مرکزی وزیر ڈاکٹر منسکھ مانڈویا نے آن آلی کھیڈاں با رے خوشی غو اظہا ر کیوہے تے اُن غی اہمیت نانہہ 2026 سرمائی المپکس واسطے کھڈاریاں غی شناخت مانہہ اُجاگر کیو۔ اُنہاں نے کہیو جے مہارو مقصد سردیاں آلی کھیڈاں نانہہ فروغ دینو، اور مزید کھلاڑیاں نانہہ اسکیٹینگ تے ان جیسی کھیڈاں مانہہ شامل ہون غی ترغیب دینوہے۔ یوہ لگاتار دوجو سال وے گو جد لداخ کھیلو انڈیا سرمائی کھیڈاں غا کُجھ حصہ غی میزبانی کرے گو۔ 2024 غا شمارہ توں پہلاں جموں کشمیر نے ساری کھیڈاں غی میزبانی کی تھی۔

Sports Minister

کھیڈ خدمات با رے وزیر ستیش شرما تے وزیر اعلیٰ گا مشیر ناصر اسلم وانی نے کل سنتوش ٹرافی غا آخری مرحلہ مانہہ شمولیت با رے مرداں غی جموں کشمیر سینئر فٹبال ٹیم نانہہ روانہ کیویہ کھیڈ تلنگانہ مانہہ منعقد ہو رہی ہیں۔ جت جموں کشمیر غی ٹیم ویمقابلو کرے گی۔

Smart India Hackthon

آئی آئی ٹی جموں مانہہ اچ سمارٹ انڈیا ہیکتھان 2024 سافٹ وئر شمارو اختتام پزیر ہو رہیو ہے۔ جت نوجوان جدت کار عالمی مسائل سنگ نمڑن بارے اپنا بٹر غو مظاہر کر رہیا تھا۔

DC Jammu

ڈپٹی کمشنر جموں سچن کمار ویشیہ نے ضلع پھر مانہہ بکھ بکھ سب ڈویژناں مانہہ الٹرا سونڈ و امیجنگ مراکز غو معائنو کرن واسطے مہم چلائی، یاہ مہم سب ڈونزل مجسٹریٹ اور دوجا سینئر افسراں غی قیادت مانہہ جموں ضلع غا بکھ بکھ علاقہ مانہہ تقریباً 2 درجن مراکز تک پھیلی وی تھی۔ ڈپٹی کمشنر موصوف نے ایکٹ غی خلاف ورزیاں غے خلاف صفر برداشت آلو رویو اپنان بارے کہیو۔ اس مہم غے دوران جموں شمال مانہہ 2 مرکزناں نانہہ نوٹس جاری کیا گیا، جت 7 سہولیات غا معائنہ غے دوران کمی پائیں گئیں۔ اک سہولت نانہہ بخشی نگر مانہہ ختم ہونی رجسٹریشن سنگ کم کرتاں دیکھیو گیو۔ یوہ مرکز فوری طور بند کر دتو گیو، تے مالکان نانہہ ہدایت دتی گئیں جے وے اپنی رجسٹریشن غی تجدید تیں بعد کم دوبا رہ شروع کریں۔ دوجا سب ڈویژناں مانہہ وی ایسا ہی معائنہ کیا گیا، تے اکھنور مانہہ 8 سہولتاں غو معائنو کیو گیو، تے انتظامیہ غی طرفوں انہاں نانہہ ہدایت دتی گئیں جے وے پی سی پی این ڈی ٹی قانون غے تحت ضروری نوٹس اور انتباہ نمایاں طور ور ظاہر رکھیں۔

RDD Jammu

ڈائریکٹر دیہی ترقی محکمہ جموں محمد ممتاز علی نے بلا ورمانہہ پی ڈبلیو ڈی گیسٹ ہاؤس مانہہ اک اجلاس طلب کیو، تانجے ضلع کٹھوعہ مانہہ دیہی ترقی غا محکمہ غے تحت نافذ بکھ بکھ سکیمان غے تحت چل رہیا کماں غی پیش رفت غو جائزو لیو جا سکے۔ ڈائریکٹر موصوف نے پی ایم اے وائی جی، ایم جی نریگا تے یوٹی و ضلع کپیکس جیسی سکیمان غو ہلاک وار تجزیو کیو۔

DC Kishtwar

ڈپٹی کمشنر کشتواڑ راجیش کمار شون تے پی ایم جی ایس وائی محکمہ غی کوششاں غی بدولت آخرکار مچھیل تحصیل غا چھوٹی گراں مانہہ پُل غو اک بڑہ عرصہ تیں زیر التواء مسئلو حل ہو گیو ہے۔ پُل غی تعمیر کہراں اور تجارتی ڈھانچاں غی موجودگی غی وجہ تیں رکی وی تھی۔ جہیڑا کہ پُل آلی جگہ ور تھا، تاہم محکمہ مال تے پی ایم جی ایس وائی محکمہ جس غی قیادت ایکزیکیٹیو انجینئر کشتواڑ نے کی، تے کہراں و تجارتی ڈھانچاں غا مالکان غا تعاون سنگ یہ ڈھانچہ پُر امن طریقہ سنگ تہہ دتا گیا۔ ایس ڈی ایم پاڈر نے مزید ہدایت کی جے پی ایم جی ایس وائی محکمہ غی طرفوں پُل غا کم نانہہ تیز کیو جا ئے۔ یاہ پیشرفت نہ صرف مچھیل غی سڑک نانہہ جوڑے گی بلکہ پی ایم جی ایس وائی غی سڑک نانہہ مچھیل گراں تک توسیع دے گی جس سنگ مچھیل یا ترہ غا لکھاں عقیدت مندان واسطے خاطر خواہ فائدو وے گو۔ جہیڑہ اس علاقہ غو دورو

کریں۔ اس طرح آئندہ سال ڈائریں نانہہ کوئی مشکلات پیش نہیں آوے گی۔ تے پیدل سفر غو
پینڈو کہٹ توں کہٹ ہو جائے گو۔

اس غے نال ہی خبراں غو یوہ بلیٹن ختم ہوؤ۔